

# 觀無量壽佛經疏菁華

淨空學

## 第一集

一、真如廣大，法性深高。體則元來不動，凡聖齊圓。恆沙功德，寂用湛然。

二、定即息慮以凝心，散即廢惡以修善。三福九品，名為散善。思惟正受，即是定善。

三、凡夫得生，皆乘阿彌陀佛大願業力為增上緣。釋迦此方發遣，彌陀彼國來迎，豈容不去。

四、唯可勤心奉法，畢命為期，捨此穢身，即證彼法性之常樂。

五、經說：地下地上虛空三種莊嚴，皆是彌陀淨國無漏真實之勝相。

六、此經以觀佛三昧為宗，亦以念佛三昧為宗，一心迴願往生淨土為體。

七、謗法與無信、八難及非人，此等不受。一心信樂求願往生，上盡一形，下收十念，乘佛願力，莫不往生。

八、正受者：想心都息，緣慮並亡，三昧相應，名為正受。若得三昧，見彼國地，了了分明。

九、華嚴經說：思惟正受者，但是三昧之異名。

十、此經定為凡夫，不為聖人。諸佛大悲於苦者，心偏愍念常沒眾生，是以勸歸淨土。

十一、經云：三種眾生，當得往生。

一者但能持戒修慈。

二者不能持戒修慈，但能讀誦大乘。

三者不能持戒讀經，唯能念佛法僧等。

此之三人，各以己業專精勵意，一日一夜，乃至七

日七夜，相續不斷，各迴所作之業，求願往生。命

欲終時，阿彌陀佛及與化佛菩薩大眾放光授手，如

彈指頃，即生彼國。上品上生。

上上中者，經云：不必受持大乘，但言善解，未論其行。又言深信因果，不謗大乘。以此善根迴願求生。

上上下下者，經云：亦信因果，不謗大乘，但發無上道心，唯此一句以為正業，更無餘善，迴斯一行，求願往生。皆是佛去世後，一切發大乘心眾生，行業不同，致使去時迎候有異。云何異？上上去時，佛與無數化佛一時授手；上中去時，佛與千化佛一時授手；上下去時，佛與五百化佛一時授手。直是業有強弱，致使有斯差別。

西中輩三人，經云：若有眾生，受持五戒八戒，修行

諸戒，不造五逆，無眾過患。命欲終時，阿彌陀佛與比丘聖眾，放光說法來現其前，此人見已，即得往生，是中上持小乘戒凡夫。

五中中者，經云：受持一日一夜戒，迴願往生。此是佛去世後，小善凡夫得生。

六中下者，經云：若有眾生，孝養父母，行世仁慈。命欲終時，遇善知識，為說彼佛國土樂事，四十八願等。此人聞已，即生彼國。此人在世自然行孝，非為出離故，因人勸說迴心，即得往生。

七下上文說，但不作五逆謗法，自餘諸惡悉皆具造，無有慚愧。命終遇善知識，教令稱佛，爾時阿彌陀

佛，即遣化佛菩薩來迎此人，即得往生。如此惡人，觸目皆是。若不遇善，定入三塗。

大下中者，此人先受佛戒，受已不持，即便毀破。又偷常住物，現前僧物，不淨說法，無有一念慚愧之心。命終遇善知識，為說彼佛國土功德，勸令往生。此人聞已，即便見佛，隨化往生。若不遇善，獄火來迎。

大下下者，此等眾生，作不善業，五逆十惡，具諸不善。此人以惡業故，定墮地獄，多劫無窮。命終遇善知識，教稱阿彌陀佛，勸令往生。此人依教稱佛，乘念即生。若不遇善，必定下沉。

二十、看此觀經定善，及三輩上下文意，總是佛去世後，五濁凡夫，但以遇緣有異，致令九品差別。上品三人，是遇大凡夫。中品三人，是遇小凡夫。下品三人，是遇惡凡夫。以惡業故，臨終藉善，乘佛願力，乃得往生。到彼華開，方始發心。

三、經文顯證，佛慈欲使今時善惡凡夫同沾九品，生信無疑，乘佛願力，悉得生也。如來說此法，但為常沒眾生，不干大小聖也。

三、德雲語善財言：我於佛法三昧海中，唯知一行，所謂念佛三昧。

三、經云：佛告舍利弗，若有善男子善女人，聞說阿彌

陀佛，即應執持名號，一日乃至七日，一心願生。命欲終時，阿彌陀佛與諸聖眾迎接往生。十方恆沙諸佛，各出廣長舌相，徧覆三千大千世界，說誠實言，汝等眾生，皆應信是一切諸佛所護念經。寧傷今世錯信佛語，不可再自失誤他也。

四觀經中，十聲稱佛，即十願十行具足。言南無者，即是歸命，亦是發願迴向之義。言阿彌陀佛者，即是其行。以斯義故，必得往生。但能上盡一形，下至十念，以佛願力莫不皆往。

二五經說：西方安樂阿彌陀佛，是報佛報土。言報者，因行不虛，定招來果。以果應因，故名為報。又三



大阿僧祇所修萬行，必定應得菩提。今既道成，即是應身。

六大品經中說，佛告須菩提：色即是化，受想行識即是化，乃至一切種智即是化。一切法皆是化。諸法平等，法性常空，性空即是涅槃。一切法皆畢竟性空，乃至涅槃亦皆如化。

三下品上生云：或有眾生，多造惡法，無有慚愧。如此愚人命欲終時，遇善知識，為說大乘，教令稱阿彌陀佛。當稱佛時，化佛菩薩現在其前。金光華蓋，迎還彼土。華開已後，觀音為說大乘。此人聞已，即發無上道心。

二、諸佛如來有異方便，令汝得見，見彼妙事，心歡喜故，即得無生。如來慈哀末代，舉勸勵修。欲令積學之者，無遺聖力冥加現益故也。

三、如是者：即指法，定散兩門也。

如者，如眾生意，隨心所樂，佛即度之。機教相應，復稱為是。

如是者，如來所說一切諸法千差萬別，隨心起行，各益不同。業果法然，眾無錯失稱為是。

四、我聞：表教旨親承。傳持末代，證誠可信。

五、一時者：如來觀知不增不減，隨緣授法，各益所資。斯乃洪鐘雖響，必待扣而方鳴。大聖垂慈，必待

請而當說。

三、在家者：貪求五欲相續是常。縱發清心，猶如畫水。但以隨緣普益，不捨大悲。

三、出家者：亡身捨命，斷欲歸真。心若金剛，等同圓鏡。怖求佛地，弘益自他。若非絕離羂塵，此德無由可證。

三、迦葉等：自唯曠劫久沈生死，循還六道，苦不可言。愚癡惡見，封執邪風，不值明師，永流苦海。但以宿緣，得遇慈尊，法澤無私，我曹蒙潤。思佛恩德，碎身親事，無由暫替。

三、菩薩具無量行願，安住一切功德之法。遊步十方，

行權方便，入佛法藏，究竟彼岸。宣流正法，愍傷眾生，未曾慢恣，得平等法。荷負群生，皆度彼岸。

六八戒者，經云：在家人持出家戒，此戒持心，極細極急。唯限一日一夜，作法即捨。

毛戒文中云：佛子從今旦至明旦，一日一夜，如諸佛不殺生、不偷盜、不行姪、不妄語、不飲酒、不得脂粉塗身、不得歌儻唱伎及往觀聽、不得上高廣大床。此上八是戒非齋。不得過中食，此一是齋非戒。引諸佛為證。是以得知此戒用心起行極是細急，若人一日一夜具持不犯，所得功德，超過人天二乘。

境界。

三、唯願世尊，為我廣說無憂惱處，我當往生。此濁惡處，地獄、餓鬼、畜生盈滿，多不善聚。願我未來，不聞惡聲，不見惡人。

三、韋提希白佛言：世尊，是諸佛土，雖復清淨，皆有光明。我今樂生極樂世界阿彌陀佛所。唯願世尊，教我思惟，教我正受。

四、夫人總見十方佛國，並悉精華。欲比極樂莊嚴，全非比況。故云我今樂生安樂國也。

四、三界六道不同，種類恆沙，隨心差別。經云：業能莊識，世世處處，各趣隨緣受果報，對面不相知。

四、彌陀四十八願，願願皆發增上勝因。依因起於勝行，依行感於勝果，依果感成勝報，依報感成極樂，依樂顯通悲化，依於悲化，顯開智慧之門。然悲心無盡，智亦無窮。悲智雙行，即廣開甘露，因茲法潤，普攝群生。諸餘經典勸處彌多，眾聖齊心皆同指讚。

四、世尊告韋提希：阿彌陀佛，去此不遠，汝當繫念，諦觀彼國，淨業成者。我今為汝廣說眾譬，亦令未來世一切凡夫，欲修淨業者，得生西方極樂國土。

四、欲生彼國者，當修三福：

(1) 孝養父母，奉事師長，慈心不殺，修十善業。

(2) 受持三歸，具足眾戒，不犯威儀。

(3) 發菩提心，深信因果，讀誦大乘，勸進行者。

如此三事，名為淨業。乃是過去、未來、現在，三世諸佛淨業正因。

聖佛光隨身出處，必皆有益。足下放光，照益地獄；膝照畜生；陰藏照益鬼神；臍照修羅；心照人道；口照二乘；眉間照益大乘。若光從眉間出，即從佛頂入者，即授菩薩記。

凡惑障深，心多散動。若不頓捨攀緣，淨境無由得現。此即正教安心住行。若依此法，名為淨業成也。

四、如來今者，為未來世一切眾生，為煩惱賊之所害者，說清淨業。汝當受持，廣為多眾，宣說佛語。

四、如來今者，教韋提希，及未來世一切眾生，觀於西方極樂世界。以佛力故，當得見彼清淨國土。如執明鏡，自見面像。見彼國土極妙樂事，心歡喜故，應時即得無生法忍。

四、應當專心繫念一處，想於西方。正明總告總勸。

五、眾生識劇猿猴，心徧六塵，無由暫息。但以境緣非一，觸目起貪亂想。安心三昧，何容可得。自非捨緣託靜，相續注心，直指西方，簡餘九域。

五、是以一身、一心、一迴向、一處、一境界、一相續



、一歸依、一正念，是名想成就，得正受。此世後生，隨心解脫也。

五、跏趺正坐，右腳著左脛上與外齊，左足安右脛上與外齊，左手安右手上，令身正直。合口齒勿相近，舌柱上顎，為令咽喉及鼻中氣道宣通故。令觀身四大，內外俱空，都無一物。作此想時，亂想得除，心漸凝定。

五、不得貪取。若起貪心，心水即動。以心動故，淨境即失。境相搖動不安者，由我貪心動念，致使淨境動滅。即自安心正念，還從本起，動相即除，靜心還現。

五、彌陀曠劫，等行無偏，正習俱亡，能感地輪之映徹。  
。 五、捨眾緣，住心一境，能緣之心無亂，所緣之境不動。  
。 細想粗想，心水即動。心水既動，靜境即失。  
六、天親讚云：觀彼世界相，勝過三界道。究竟如虛空，  
，廣大無邊際。

地下莊嚴七寶幢，無量無邊無數億；八方八面百寶  
成，見彼無生自然悟。無生寶國永為常，一一寶流  
無數光；行者傾心常對目，騰神踴躍入西方。

西方寂靜無為樂，畢竟逍遙離有無；大悲薰心遊法  
界，分身利物等無殊。或現神通而說法，或現相好

入無餘；變現莊嚴隨意出，群生見者罪皆除。  
至歸去來，魔鄉不可停。曠劫來流轉，六道盡皆經。  
到處無餘樂，唯聞愁嘆聲。畢此生平後，入彼涅槃  
城。

五彌陀因行周備，致使感報圓明。寶地莊嚴無比量，  
處處光明照十方，寶閣華臺皆徧滿，雜色玲瓏難可  
量。寶雲寶蓋臨空覆，聖眾飛通互往來，寶幢幡蓋  
隨風轉，寶樂含輝應念迴。帶惑疑生華未發，合掌  
籠籠喻處胎，內受法樂無微苦，障盡須臾華自開。  
耳目精明身金色，菩薩徐徐授寶衣，光觸體得成三  
忍，即欲見佛下金臺。法侶迎將入大會，瞻仰尊顏

讚善哉。

五、安樂國清淨，常轉無垢輪；一念及一時，利益諸群生。讚佛諸功德，無有分別心；能令速滿足，功德大寶海。

六、身四威儀，晝夜常念，唯除睡時，憶持不捨。

七、堪受堪信，聞即信行者，不惜身命，急為說之。若得一人捨苦出生死者，是名真報佛恩。

八、為此因緣，但勸即令求生淨土，向無上菩提。是故今時有緣相勸誓生淨土者，即稱諸佛本願意也。

九、經云：若人聞說淨土法門，聞即悲喜交流，身毛為

豎者，當知此人，過去已曾修習此法。今得重聞，

即生歡喜。正念修行，必得生也。

四其諸寶樹，七寶華葉，無不具足。一一樹上，有七重網。一一網間，有五百億妙華宮殿。諸天童子，自然在中。有大光明，化成幢旛無量寶蓋。是寶蓋中，映現三千大千世界一切佛事。十方佛國，亦於中現。

五未閒真觀自在隨心，要藉假想以住心，方能證益也。

六諸寶林樹，皆從彌陀無漏心中流出。由佛心是無漏故，其樹亦是無漏也。

七無老死、無小生、無初生漸長。起即同時頓起，量

數等齊。

六、彌陀淨國寶樹多，四面垂條，天衣挂遶。寶雲含蓋，化鳥連聲，旋轉臨空，奏法音而入會。他方聖眾，聽響以開心。本國能人，見形而取悟。

七、極樂池水流注華間，尋樹上下，其聲微妙，演說苦空無常無我諸波羅密，讚歎諸佛相好。如意珠王，湧出金色微妙光明，其光化為百寶色鳥，和鳴哀雅，常讚念佛念法念僧。

八、水有八德：

(1) 清淨潤澤。(2) 不臭。(3) 輕。(4) 冷。

(5) 軟。(6) 美。(7) 調適。(8) 飲已無患。

七、極樂莊嚴安養國，八德寶池流徧滿；四岸含暉間七寶，水色分明映寶光。體性柔軟無堅觸，菩薩徐行散寶香；寶香寶雲成寶蓋，寶蓋臨空覆寶幢。寶幢嚴儀圍寶殿，寶殿寶鈴垂珠網；寶網寶樂千重轉，隨機讚歎寶宮樓。一一宮樓有佛會，恆沙聖眾坐思量；願此有緣常憶念，捨命同生彼法堂。

七、佛是眾生無上大師，除邪向正。法是眾生無上良藥，能斷煩惱毒病，法身清淨。僧是眾生無上福田，但使傾心四事，不憚疲勞，五乘依果，自然應念所須而至。

七、專心住境，尅念不移，莊嚴總現。身器清淨，應佛

本心。捨身他世，必往無疑。

四、勸發流通，急救常沒眾生妄愛迷心，漂流六道。但使迴心正念，願生我國，立即得生也。

五、娑婆苦界，雜惡同居，八苦相燒，動成違返。詐親含笑，六賊常隨，三惡火坑，臨臨欲入。

六、至心懺悔，發露所造之罪，極生慚愧，悲泣流淚。願佛慈悲，攝受護念，指授開悟所觀之境，願得成就。

七、初想不得亂想多境，即難得定。或一日二日，或一月一年二三年等，無問日夜，行住坐臥，身口意業，常與定合。唯萬事俱捨，由如失意聾盲癡人者，



此定必即易得。若不如是，三業隨緣轉，定想逐波飛，縱盡千年壽，法眼未曾開。既得定心，彼諸莊嚴一切顯現。

六諸佛如來是法界身，入一切眾生心想中。是故汝等心想佛時，是心即是三十二相，八十隨形好。是心作佛，是心是佛。諸佛正徧知海，從心想生。是故應當一心繫念，諦觀彼佛多陀阿伽度阿羅訶三藐三佛陀。

六心徧故解法界，身徧故解法界，無障礙故解法界。正由心到故身亦隨到，身隨於心，故言是法界身也。法界是所化之境，即眾生界也。身是能化之身，

即諸佛身也。

八、是心作佛，依自信心緣相如作也。是心是佛，心能想佛，依想佛身而現，即是心佛也。離此心外，更無異佛者也。

八、今此觀門，指方立相，住心而取境，總不明無相離念也。如來懸知末代罪濁凡夫，立相住心尚不能得，何況離相而求事者。

八、身四威儀，眼之開合，見一金像，似現目前，常作此想。若欲教人，即教此法。恆持莫失，名守定心。令與修多羅合，至得念佛三昧，現蒙利益。

八、彼佛圓光，如百億三千大千世界。於圓光中，有百

萬億那由他恆河沙化佛。一一化佛，亦有眾多無數化菩薩以為侍者。

四、無量壽佛，有八萬四千相。一一相中，各有八萬四千隨形好。一一好中，復有八萬四千光明。一一光明，照十方世界念佛眾生，攝取不捨。

五、但當憶想，令心眼見，即見十方一切諸佛。以見諸佛故，名念佛三昧。

六、觀佛身，亦見佛心。佛心者，大慈悲是。以無緣慈，攝諸眾生。作此觀者，捨身他世，生諸佛前，得無生忍。是故智者，應當繫心，諦觀無量壽佛。見無量壽佛者，即見十方無量諸佛。得見無量諸佛故

，諸佛現前授記。

七、眾生憶念佛，佛亦憶念眾生，彼此三業不相捨離。眾生願見佛，佛即應念現在目前。既見諸佛，即於定中得蒙授記。稱念，即除多劫罪。命欲終時，佛與聖眾自來迎接。諸邪業繫，無能礙者。自餘眾行，雖名是善，若比念佛，全非比較。是故諸經廣讚念佛功能。經中唯明專念彌陀名號得生，十方恆沙諸佛證誠不虛也。

八、佛心者，慈悲為體，以此平等大慈普攝一切也。

九、佛告阿難，觀觀世音菩薩者，不遇諸禍，淨除業障，除無數劫生死之罪。如此菩薩，但聞其名，獲無

量福，何況諦觀。

九、從下方金光佛剎，乃至上方光明王佛剎。於其中間，無量塵數，分身無量壽佛，分身觀世音大勢至，皆悉雲集極樂國土，爰塞空中。坐蓮華座，演說妙法，度苦眾生。彌陀觀音等分身雲集相，說法各應所宜。

勢至威高，坐搖他國，能使分身雲集，演法利生，永絕胞胎，常遊法界。

九、當起自心，生於西方極樂世界。於蓮華中，結跏趺坐，作蓮華合想、作蓮華開想。蓮華開時，有五百色光來照身想。眼目開想，見佛菩薩滿虛空中，水

鳥樹林，及與諸佛。所出音聲，皆演妙法。若出定時，憶持不失，名見無量壽佛極樂世界。

九、定散無遺，守心常憶，觀心明淨，諸惡不生。內與法樂相應，外無三邪之障，即蒙彌陀等三身護念之益。

九二、無量壽佛宿願力故，有憶想者必得成就。但想佛像，得無量福。

九三、如來教諸眾生易境轉心，為令機境相稱，易得成故。

九四、彌陀觀音勢至等，宿願緣重，誓同捨惡，等至菩提，影響相隨，遊方化益。